



Sedmoro uhapšenih u međunarodnoj policijsk

DJECU IZ BIH VODILI DA ZA NJIH DŽEPARE

Sa djevojčicama iz BiH stupali su u vanbračne zajednice i organizovali njihove odlaske u Francusku, a potom ih ucjenama, prijetnjama i fizičkim nasiljem primoravali da krađu

Sedam osoba je uhapšeno, a među njima i nekoliko članova porodice Fehima Hamidovića, poznatog romskog kralja džepara, u međunarodnoj policijskoj akciji kodnog naziva CD, koju su pripadnici SIPA jučer ujutro realizovali na području Zenice, Vlasenice, Prijedora i Jajca. Akcija je izvedena zbog sumnje da su počinjena krivična djela organizovani kriminal i trgovina ljudima u svrhu radne eksploatacije, odnosno da su osumnjičeni vrbovali maloljetnike iz BiH, vodili ih u Francusku i tjerali da za njih džepare.

Pranje novca, krivotvorenje, droga...

U okviru ove akcije na području Francuske uhapšeno je osam osoba i izvršeni su pretresi objekata na više lokacija, te je zbrinut određen broj potencijalnih žrtava trgovine ljudima sa područja BiH.

U ovoj akciji u BiH, kako nezvanično saznajemo, uhapšeni su Elvis Salčinović (39), Dino Hamidović, Toni Hamidović (24), Nedeljko Dakić iz Prijedora, te Esad Hamidović, sin Fehima Hamidovića. Pored njih, uhapšeni su i L. H. i B. T. Svi oni se terete da su duži period, preciznije od 2012. godine, vrbovali više ženskih osoba tako što su s njima stupali u vanbračne zaje-

dnice te organizovali njihove odlaske na područje Francuske, a potom ih, putem ucjena, prijetnji, zastrašivanja, zlostavljanja i drugih vidova fizičkog i psihičkog nasilja, primoravali na džeparenje i druge oblike uličnog kriminala u više gradova Francuske i šire, a potom da im dostavljaju novac koji pribave na taj način. U pojedinim slučajevima žrtve su bila i djeca.

U okviru ove akcije, pripadnici SIPA pretresli su objekte na devet lokacija na području Zenice, Vlasenice, Prijedora i Jajca, prilikom čega su pronađeni i oduzeti određeni predmeti koji mogu poslužiti kao dokaz u daljem postupku.

Elvis Salčinović (koji se ranije prezivao Hamidović) i Toni Hamidović uhapšeni su u Goraždanskoj ulici, u zeničkom prigradskom naselju Lukovo Polje. Pored njih, u Zenici je uhapšena još jedna osoba.

Njih dvojica su hapšeni i 2012. i tada je policija od Salčinovića, koji je priveden iz kuće u Goraždanskoj ulici, oduzela dva skopocjena vozila, pištolj, manju količinu municije i motocikl. Salčinović je kuću u Lukovom Polju kupio prije pet godina. U toj kući boravilo je desetina osoba romske nacionalnosti, posebno djece. Navodno, ova je porodica

zbog nezakonitih radnji protjerana iz Italije i od tada je na području Zenice kupila više stambenih i poslovnih prostora.

- U Jajcu su uhapšene dvije osobe, a u Prijedoru i Vlasenici po jedna. U toku akcije na jednoj od lokacija na području Zenice zatečeno je više maloljetnih osoba, odnosno djece, čiji identitet nije bilo moguće utvrditi, kao ni staratelje, te će ta djeca na adekvatan način, u koordinaciji sa Centrom za socijalni rad i drugim nadležnim organima, biti zbrinuta kao potencijalne žrtve trgovine ljudima, potvrđeno je iz SIPA.

Žrtve su, kako su saopštili iz SIPA, bile pod stalnom kontrolom, te izložene svakodnevnom fizičkom i psihičkom maltretiranju od počinilaca krivičnih djela, kako bi pribavile što veću količinu novca.

- Procjenjuje se da su osumnjičeni na ovaj način stekli više od dva miliona eura, koje su kupovinom nekretnina u BiH i luksuznih vozila, ubacivali u legalne novčane tokove ili trošili na luksuzan način života, ističu iz SIPA.

Uhapšeni se sumnjice i za krivična djela pranja novca, krivotvorenje isprava, krijumčarenje osoba, zloupotrebe droge i druga krivična djela.



Sa prihvatanja osumnjičenih u prostorijama SIPA



Entra SIPA

koj akciji kodnog naziva CD U FRANCUSKU



Elvis Salčinović i Toni Hamidović uhapšeni u naselju Lukovo Polje

Akcija je provedena po naredbama Suda BiH i Tužilaštva BiH i u saradnji sa policijskim organima Francuske. U rad zajedničkog istražnog tima, koji je prvi put formiran, uključeni se predstavnici Tužilaštva BiH i Tužilaštva Francuske, te istražitelji SIPA i Odjela za maloljetnike Policijske prefekture Pariz, koji su više mjeseci provodili zajedničke istražne radnje na području dvije države.

Na ovom predmetu radio je zajednički istražni tim iz BiH i Francuske, sastavljen od oko 20 osoba, iz policijskih i tužilačkih institucija BiH i Francuske, koji su više mjeseci provodili zajedničke istražne radnje na području dvaju država. Za potrebe rada istražnog tima, u Parizu više mjeseci boravi istražitelj SIPA, policijski oficir za vezu, radi blagovremene razmjene operativnih podataka i informacija. Ove aktivnosti je podržala Evropska asocijacija tužilaca EUROJUST.

“Rad” u grupama

Osobe lišene slobode jučer su privedene u službene prostorije SIPA na kriminalističku obradu. Nakon toga će, kako je najavljeno, uz izvještaj biti predate Tužilaštvu BiH na dalje postupanje.

Francuska policija je početkom 2011. razbila jednu od najvećih džeparoških grupa, na čijem čelu je bio romski ceribaša Fehim Hamidović. Tada je u Francuskoj i Italiji, osim Fehima Hamidovića i

njegovog sina Esada, uhapšeno još 17 osoba koje su bile organizatori kriminalne grupe.

Ova grupa sastojala se od stotina, uglavnom, romskih djevojčica, dobi od dvanaest do dvadesetak godina. Radile su podijeljene u grupice od po četiri ili pet djevojaka, a svakodnevno su svom šefu isporučivale zaradu koja nije smjela biti manja od 300 eura ili bi, u protivnom, bile kažnjavane. To je bila najveća evropska mreža džeparoša koja je djelovala najviše u Parizu, ali i u nekim španskim gradovima.

Hamidović i njegov sin Esad Hamidović (koji je vodio parišku regiju) dolazili su u BiH, gdje bi regrutovali djevojke, koje su potom vođene u Francusku gdje su dalje obučavane da budu što bolji džeparoši. Mete maloljetnih džeparoša najčešće su bili turisti azijskog porijekla, jer oni često nose mnogo gotovine sa sobom, a dešava se da imaju i po nekoliko hiljada dolara u torbama.

Prema procjenama francuske policije, Hamidović je od svojih džeparoša godišnje zarađivao i do četiri miliona eura. On je bio sklon kockanju, a njegovi ulazi nikad nisu bili manji od 1.500 eura. Novac koji nije otišao na kockanje, Hamidović su uložili u nekretnine i automobile. Osim vile u Rimu, policija im je zaplijenila luksuzne automobile, među ostalima i mercedes coupe vrijedan oko 100.000 eura.

D. P.